

隨喜一切幽靈同證無為俱成妙不

道通快樂天尊

向來然點諸獄神燈功德周圍伏冀燈光照  
徹神景昭明且三界以流輝極十華而見朗  
鬼官冥吏觀之者進職仙階獄卒胥徒見之  
者反生人道飛潛動植並遂生成蠢動蠕翹  
盡全化育普脫輪迴之苦獲登清淨之鄉為  
如上緣請聖作證

念善

靈寶領教濟度金書卷之三十四

靈寶領教濟度金書卷之三十五三十六

洞微高士開光啟苦其人案全具授

靈寶通玄弘教水南先生林重具編

科儀立成品開度通用

三塗五苦燈儀

步虛 灑淨

具位臣某謹焚寶香供奉

太上元極大道三清上聖十極高真太乙慈

尊三界東聖虛空鑒察感應靈祇願運慈悲

俯垂明證伏以乾蓋輕清煥陽光於碧落坤

輿重濁凝陰暗於黃冥清微儼仙聖之居累

壞號鬼神之宅冥冥萬劫驚心死尸之閉張

慘慘億齡極目生門之閉塞願瞻鬱絕環列

幽牢穢水火之憲章典陰陽之刑禁報緣異

赴罪對殊因三業山高寧斷三塗之考五蘊

海闊難停五苦之輪非帝真曲運於慈悲則

神識曷超於苦惱是以瓊章演教金錄垂科

著然燈破暗之儀定回耀降光之格龍章錯

落鳳蒙昭回期上接於神輝庸下提於幽爽

今有齋主某崇建某齋開度亡故某普及幽

冥究親平等乞於齋次然點三塗五苦神燈

請光開幽頒符赦罪伏望元皇矜憫上帝垂

憐申錫智慧之光昭著威神之力惡根落滅

乘宸獲脫於昏衢累尸毀摧騰景頓登於覺

地三晨回輝五道開幽疾登解脫之鄉克禮

虛皇之聖奉奉丹悃切切玄思清眾運誠闡

行法事

流光法界天尊

旋行至天塗界

三塗之界第一名為上尸色慾門一切眾生

神皆清涼心耽淫慾身謝之後受天塗驅雷

役電之考今有齋主某依按科格然懺神燈

請降落滅上尸道靈官奉為亡故某溥及幽

冥究親平等落滅色慾之根解脫天塗之考

伏願丹闕流恩黑單膺祉悟真常道還固有

之虛靈超玄元機契太元之智慧明霞而安

偃月怡神清眾運誠虔恭讚詠

流光通道天尊

焚符

天尊惠澤泆群靈 井井金科煥日星

梵杰彌羅周夜空 靈輝煥爛耀寒庭  
紫山霧障寬愁釋 定水風收色慾清  
今日神燈都照破 上尸落滅任超沒

轉輪聖王天專  
旋行至地塗界

三塗之界第二名為中尸受懲門一切眾生  
徇情迷物溺愛輕生身謝之後受地塗擔沙  
負石之考今有齋主恭依按科格然懺神燈  
請降落滅中尸道靈官奉為七故其薄及幽  
冥究親平等落滅愛慾之根解釋地塗之考  
伏願紫極流華黃泉沛澤振塵清淨超有漏  
之荆林幻垢消澄步無為之霧運瓊臺迅軌  
瑤圓凝真清眾運誠虔恭讚詠

流光萬變天專

焚符

天專聖化號盈盈 散作陽春遍九冥  
丹鳳啣來綸綉重 金鷄飛下憲章停  
根塵肅靜沖和現 世網消除愛慾輕  
今日神燈都照耀 中尸落滅任昇騰  
轉輪聖王天專

旋行至水塗界

三塗之界第三名為下尸貪慾門一切眾生  
貪運虛浮耽樂榮利身謝之後受水塗健淚  
淚波之考今有齋主恭依按科格然懺神燈  
請降落滅下尸道靈官奉為七故其薄及幽  
冥究親平等落滅貪慾之根解釋水塗之考  
伏願碧落飛芒寶瑛耀彩六如悟入體天道  
之惡盈三惑消除鑒帝心之福善芝輝侍聖  
蓮圓登真清眾運誠虔恭讚詠

金容玉相天專

焚符

天專仁惠接舍生 萬道靈光照鐵城  
金籥開幽春浩蕩 玉符破暗夜晶瑩  
業緣自息生報回 貪慾知非報障停  
今日神燈都照耀 下尸落滅任驟騰

轉輪聖王天專

旋行至苦心門

五苦之輪第一名為色界苦心門一切眾生  
耽馳淫心恣縱情慾身謝之後受泰山地獄  
之苦今有齋主恭依按科格然懺神燈請降

飛度色界尸靈官奉為七故其薄及幽冥究  
親平等落滅飛度色界之門解釋心神之苦  
伏願蒼靈降澤黑鬱承恩一性圓靈步清明  
之正路大塵滂滌回昏昧之迷途躡景常陽  
升神空洞清眾運誠虔恭讚詠

智光普耀天專

焚符

天專說法御虛玄 湛露輝輝下九天  
嚴日融怡冰浦暖 和風披拂火池寒  
宸恩煥爛應慈盞 色界消除罪日閑  
今日神燈都照破 苦心飛度免沉論

轉輪聖王天專

旋行至苦神門

五苦之輪第二名為愛累苦神門一切眾生  
飄蕩愛河流吹慾海身謝之後受風刀地獄  
之苦今有齋主恭依按科格然懺神燈請降  
飛度愛累尸靈官奉為七故其薄及幽冥究  
親平等落滅飛度愛累之門解釋精神之苦  
伏願紫霄手佑黃壤流輝捨妾歸真茂心花  
而調明變凡成聖回性棄以圓通遊宴蒼林

逍遙境界清眾運誠虔讚詠

靈光浩映天尊

焚符

天尊宴御坐霧林

說法希微破積陰

霽色開春明鬱境

靈光散景耀郵城

世緣妄想三生斷

愛累塵情一羽輕

今日神燈都照破

苦神飛度上天津

轉輪聖王天尊

旋行至苦形門

五苦之輪第三名為貪累苦形門一切眾生

貪名徇利耗氣傷神身謝之後受捷山負石

之苦今有齋主某依按科格然懺神燈請降

飛度貪累尸靈官奉為亡故某溥及幽冥寬

親平等落滅飛度貪累之門解釋身形之苦

伏願玄穹需澤方壤承華成清淨身身湯六塵

之陰垢證虛無道驅五賊之昏迷超悟大乘

游翔小有清眾運誠虔恭讚詠

金尤七素天尊

焚符

天尊演化御芳園

萬聖朝宗溥聖恩

五道尤舒仁廣大 九幽春到惠瀟瀟

塵緣斷絕休四百 貪累消除付達觀

今日神燈都照破 苦形飛度任盤桓

轉輪聖王天尊

旋行至苦精門

五苦之輪第四名為華競苦精門一切眾生

貪競華華耗散身身謝之後受填作江河

之苦今有齋主某依按科格然懺神燈請降

飛度華競尸靈官奉為亡故某溥及幽冥寬

親平等落滅飛度華競之門解釋精神之苦

伏願碧霄降祉黑龍蒙恩定慧雙圓悟心空

而寂照境智俱泯廓心營以高澄丹界陶神

玄關御系清眾運誠虔恭讚詠

德光合成天尊

天尊睿號過玄虛 處處莊嚴拯世愚

赫奕靈輝開暗壘 羅敷慧燭照昏衢

祭情無意迷途闕 華競何心覺海舒

今日神燈都照破 苦神飛度躡雲都

轉輪聖王天尊

旋行至苦魂門

五苦之輪第五名為身累苦魂門一切眾生

耽迷妻境勞役神魂身謝之後受吞火食炭

鑊湯地獄苦今有齋主某依按科格然懺神

燈請降落滅飛人身累尸靈官奉為亡故某

溥及幽冥寬親平等落滅飛度身累之門解

釋魂神之苦伏願紫霄錫佑黃鼎承流識破

客塵陶精神於大混斷除業垢融步武於真

空西闍凌虛東諸景清眾運誠虔恭讚詠

靈光四照天尊

焚符 天尊萬道玉毫光 普照羅鄴九夜鄉

寂寂寒庭回暖景 淒淒幽域耀朝陽

塵緣風散消愆業 身累冰清罷憲章

今日神燈都照破 苦魂飛度任翱翔

轉輪聖王天尊 旋行歸位

東誦生天經一遍旋遶

向來然鐵三塗五苦神燈功德伏願九幽罷

對五苦停輪心地澄曉鑑之輝破煩惱網性

天恣秋蟾之彩斷迷惑根徑離幽暗之鄉升

入光明之界上窮有頂下極無垠一切有情均沾無上為上因緣志心稱念

廣度沉淪天專

和不可思議功德

請頒救赦儀

靜然堂序立

華夏頌至壇前

步虛

法師上香長跪

具位臣某誠惶誠恐稽首頓首再拜上言臣聞祖炁周流於覆載造化密移神功恢廓於陰陽玄元獨運鼓群靈而不夜提萬類以皆春恩泱幽冥惠均生死惟泉曲羅鄴之鬼域號鐵圍帶絕之神鄉昏霧沉沉繫苦魂於億劫崇風慘慘靡羅性於終天企獄吏以驚神對冥曹而委命有心悔過無路求生自非給時之誕數曷俾網羅之照釋今有齋主某伏念亡故某溥及幽冥親平等紅塵流浪寧無縱意於七情青律森嚴易致移名於六洞乞頒勅赦肅淋惡愆庶侍文墨之紛紜獲證形神之快樂疾趨陰地快觀陽天重念臣摯

糴散材蓬茅賤質錄胎仙於二景未明度命之方熙帝載於三靈期贊題骸之化既承丹泗查扣洪鈞况茲九地之魂慮結三生之靈素山翠嶺七情高擁於迷雲慈海汪洋三氣奔流於濁液天常既頌地業永罹痛萬苦之備嬰嗟百身之莫贖皇皇執告切切誰憐擬存準於龍輝祈肆頒於鶴赦欲望帝恩曲運聖德旁敷赦下三界十方三官九府鄴都宮洞泉曲河源嶽瀆山川城隍社令蓮依開度轉刻升遷即使陽復陰郊暖回寒谷不在大不在小之罪均削落於九幽無私覆無私載之恩永追遠於八極副微臣進請之願遠齊主激切之忱臣無任瞻天望聖激切俟命之至

法師再拜運神請赦如儀

靈符赦罪天專

法師引眾官移班向地戶侍職賜

上清靈寶金壇香奏道首頒行太上生天赦赦三宮九府百二十曹地水職司敬濟社令冥關幽路一切主執各宜恭肅拱聽宣示

宣赦

次吟飛空步虛頌

宣闕焚赦 次吟偈

虛皇聖澤浩元垠 生意周流萬象春

溫詔開幽天廣大 恩綸耀景地喧妍

萬緣遂安迷靈府 一炁回真徹慧源

今日翔翔辭夜壑 誠真難妄躡雲端

道遙快樂天專

法師回壇前敬謝

小兆臣某謹重誠上啓

太上元極大道元始天專太上道君太上老君玄中大法師三天大法師奉玄樞機三首諸相天君三天門下聖真仙眾虛空監察一切真靈伏以扣天闕而請命民欲無違開地戶以升神帝恩有赫與言感戴難罄讚揚臣向來奉為齋主某開度亡故某普及幽冥究親平等請頒赦錫福幽都曲荷慈悲俯垂賜允準金利而布告獄錄玉承依玉律以宣行冥曹敬聽罪奏成升於道岸沉魂悉上於法橋拜命欣欣歡心切切更願仁風動靈化

日流明圓蓋方輿均宥涵濡之澤陰靈陽耀  
永消輪轉之憂且不勝激切望恩之至謹再  
拜稱謝以聞

道遙快樂天尊

引歸靜默堂

靈寶領教濟度金書卷之三十五

靈寶領教濟度金書卷之三十六

洞微而開光教苦真人齊今具授  
靈寶通玄弘教水南先生林靈真編

科儀立成品開度通用

醫治全形靈官職儀

步虛第八 灑淨

各稱法位

具位姓未謹焚香上啓

靈寶玄壇天醫治職仙官君吏混元十二炁  
化生大將軍解冤釋結大神浣濯司命簡司  
仙官將吏隨機應感一切真靈伏以聖澤春  
融廣覆三塗之熱惱神功雨潤普滋萬類之  
沉淪玄曹列靈寶之班紫禁奉虛皇之令威  
靈有赫變化無方九返七還坐致枯骸而再  
潤千和萬合能令異骨以成親澄清入解之  
泉纖麗六銖之服凡伸皈命悉藉垂情今有  
齋主某開度亡故某人某洞虛緣遠淪冥境  
二豎乘危而結累四大倏離千冤茹恨以投  
艱億齡未釋况形神之垢穢與容止之彫零  
非賴神通曷符應感一封露素已承帝救之

昭宣萬騎風馳想見威靈之廓矣矣陳非供  
爾表奏法衆運誠至心奉請

志心奉請靈寶玉司天醫尚藥靈官主辨  
形候靈官隨病制藥仙官修合煅鍊仙官  
生形博士復肥主者治病功曹收毒將軍  
三五功曹第八敷藥靈官察脉論病靈官請藥  
療病靈官砭石小吏扁鵲官吏玉清混元  
十二炁化生大將軍靈寶玄局聚蒐功曹  
聚炁功曹聚形功曹返魂功曹全形功曹  
合形功曹迴骸功曹起死功曹靈寶解冤  
釋結靈官五經博士能談善說靈官如意  
萬司解釋究對三大神靈寶浣濯司靈官  
玉清通變屏穢靈官九鳳破穢君五方解  
穢君天河東井君浣濯夫人黃華玉女靈  
寶中簡司靈官青玄金木仙衣玉女金木  
仙帶玉女伏望上遵帝敕下副凡情風馬  
雲車來臨法會

初獻 散花

伏以太極分精人物並生於覆載先天設象  
神靈變理於陰陽仰止班聯具嚴函簿陸離